



Te urupare ki tētahi pānuitanga tono

Ina whiwhi koe i tētahi pānuitanga tono mai i te Kōti Whānau, ko te tikanga o tērā kua tukuna e tētahi he tono mō tētahi tamaiti e pā ana ki a koe. He matua pea koe, he kaitiaki, nō te whānau rānei.

Ka pēnei mēnā kāore e whakaae tahi ngā tāngata e pā ana ki te tamaiti mō te āhua o te tiaki i a ia.

Te kōwhiri me pēhea te whakautu

1. Pānuitia te tono

He mea nui kia pānuitia te tono. E whakamārama ana i te tono a tērā atu tangata ki te kōti me ā rātau pūtake.

Ka whiwhi koe:

- i te tono
- i Ngā Whakatau Kōti Wā Poto (he wā poto ēnei, ā, kāore e tukuna i ngā wā katoa)
- i tētahi 'Pānui ki te Kaiurupare' – e kī ana tēnei tuhinga kua tukuna tētahi tono me ngā whakamārama me aha koe.

2. Me whiriwhiri me pēhea te whakautu

Kei a koe te tikanga mēnā e hiahia ana koe ki te whakautu ki te tono me te whakauru ki te kēhi.

Mēnā ka whakahē koe ki ngā wāhanga o te tono, ka taea e koe te tuku tētahi 'Pānui Whakautu'.

E kī ana tēnei ki te Kōti ko tō hiahia:

- kia whai whakaarohia ō whakaaro i mua i te tuku i tētahi whakatau whakamutunga
- kia tū koe ki te kōti kia rongohia ō whakaaro ā tōna wā.

Mēnā kāore koe i te hiahia ki te whakautu...

...ka mutu, kāore koe i te hiahia kia whai wāhi atu ki te Kōti, kei a koe te tikanga ki te kore whakautu. Me tuku e koe tō wāhi noho mēra ki te kōti mēnā e hiahia ana koe ki te whiwhi i tā rātau whakatau.

Ki te kore koe e whakautu, kei tukuna e te kaiwhakawā tētahi whakatau whakamutunga me te kore e rongo i ō whakaaro. Ka whai pānga pea tēnei ki te nui o tō whai wā ki te tamaiti, te āhua rānei o te tiaki i te tamaiti.

3. Whakaotihia te puka

Me whakaoti e koe tētahi puka 'Pānui Whakautu' me te 'Kōrero Oati Tautoko', ka tāpae (tuku atu, whakataka atu rānei) ki tō kōti tūtata.

Mō āhea tāpae ai i te puka

Me tuku e koe tō whakautu i roto i te wā e whakaaturia ana ki te 'Pānui ki te Kaiurupare'. Ka tīmata te wā mai i te rā i whiwhi koe i tētahi kape o te tono a tērā atu tangata.

Hei whakatakoto i āu ake whakaritenga mō te tamaiti, ka taea e koe te whakaoti tētahi tono 'Whakatau Tiaki Tamariki'. Ka taea e koe te tāpae tēnei i te wā anō o tō 'Pānui Whakautu'.

Tikina te puka mā te

- Haere ki [justice.govt.nz/notice-of-response](https://www.justice.govt.nz/notice-of-response)
- Waea koreutu ki Te Tāhū o te Ture i 0800 2 AGREE (0800 224 733) kia tukuna atu he kape.



He tika tōu kia noho haumaruru

Ka taea e koe he āwhina mēnā ki ōu whakaaro kāore koe, tētahi atu rānei i te noho haumaruru.

- Mēnā kei te tino noho mōrearea koe, tētahi atu rānei, me waea atu ki 111
- Haere ki [justice.govt.nz/family-violence](https://www.justice.govt.nz/family-violence)
- Haere ki [areyouok.org.nz](https://www.areyouok.org.nz)
- Waea koreutu ki 'Are You Ok' i 0800 456 450



Mēnā ka tukuna he Whakatau Wā Poto i mua i tō whakaututanga

I ētahi wā, ka taea e te Kōti Whānau te tuku tētahi Whakatau Wā Poto i mua i tō whakaututanga. He wā poto ēnei.

I te nuinga o te wā ka tukuna mēnā he whāwhai te tono, ā, ka whakaae te kaiwhakawā me wawe tonu te tuku i tētahi whakatau wā poto.

Ka taea e koe te whakautu i mua i te huri i tēnei whakatau hei whakatau whakamutunga. Ka whiwhi koe i tētahi kape o te ota me te tono.

Ka taea e koe ngā āwhina tohutohu ahakoa te wā

He pai tonu pea mōu ki te kōrero ki tētahi rōia i a koe e wherawhera ana i tētahi wehenga, ina rerekē rānei te āhuetanga o te whānau. Mēnā kāore koe i te mōhio ki hea tīmata ai, me haere ki tō Community Law Centre.

He āwhina pea kei te akoranga Te Tiaki Tamariki i te Wā o te Wehenga

He mea nui kia whakaaroaro koe mō te painga o te tamaiti. Mā te haere ki te akoranga Te Tiaki Tamariki i te Wā o te Wehenga ka āwhina pea i a koe kia mārama ki ōna whakaaro me te pānga o te wehenga ki a ia, te pānga pea rānei o te rerekētanga o te āhuetanga o te whānau ki a ia.

Mō ētahi atu mōhio mō tēnei akoranga haere ki justice.govt.nz/parenting-through-separation, waea koreutu rānei ki Te Tāhū o te Ture i **0800 224 733**.





Ki hea tiki tautoko

Kei tō hapori

Ka taea e ngā Kaiārahi, Ngā Kaiwhakarite Kōti Whānau me ngā kaimahi kōti te ārahi i a koe ina whakariterite ana i ngā whakaritenga tiaki tamariki, engari kāore e taea te tuku tohutohu ture.

Ka taea anō e te Kaiārahi te hono i a koe ki ngā ratonga tautoko hapori i tō rohe.

Whakapā:

- Haere ki te kōti o tō rohe
- Īmēra kaiarahi@justice.govt.nz
- Waea atu ki Te Tāhu o te Ture i 0800 224 733

Ngā whakahaere hei āwhina i a koe

Ngā Pou Whakawhirinaki o Aotearoa

Ka āwhina i a koe kia mārama koe ki ō tika me te whakakī i ngā puka.

- Waea koreutu 0800 367 222
- Haere ki cab.org.nz

Community Law Centre

E whakaratoa ana ngā āwhina ture koreutu, matatapu takitahi mā ngā tāngata puta noa i Aotearoa. Haere ki communitylaw.org.nz

Family Services Directory

He rārangi ratonga tautoko tā rātau e āwhina ana i ngā whānau puta noa i Aotearoa. Ko ēnei ratonga mai i ngā whare noho ki ngā tumu kōrero.

- Waea koreutu 0800 211 211
- Haere ki familyservices.govt.nz/directory/

CCS Disability Action

Ko tā rātau he tuku mōhiohio me ngā tautoko ki te hunga hauā me ō rātau whānau.

Whakapā:

- Waea koreutu 0800 227 200
- Īmēra info@ccsDisabilityAction.org.nz

Te Tari Mātāwaka

He rārangi ratonga tautoko ta rātau, tae atu ki ngā whakahaere whakapono, hei āwhina i ngā hapori mātāwaka.

- Waea koreutu 0800 656 656
- Haere ki ethniccommunities.govt.nz

Tumu kōrero

Mō ngā tautoko ngaio mō te hauora hinengaro, ētahi atu raru rānei, whakapā atu ki:

- Need to Talk – Waea koreutu, patowaea rānei ki 1737, haere rānei ki 1737.org.nz
- Lifeline – Waea koreutu ki 0800 543 354, patowaea rānei ki 4357
- Skyline – Waea koreutu ki 0800 299 100, haere rānei ki skyline.org.nz

Mā ngā tamariki me ngā taiohi

- What's Up – Waea koreutu ki 0800 942 8787
- Youthline – Waea koreutu ki 0800 376 633, patowaea rānei ki 234

Ki te kore koe e haumarū

- Haere ki areyouok.org.nz
- Waea koreutu ki 'Are You OK' i 0800 456 450



Mō ētahi atu kōrero

- Haere ki justice.govt.nz/care-of-children
- Waea atu ki Te Tāhu o te Ture i 0800 224 733